



## МЕСЯЦА ЯНВАРЯ В 6-Й ДЕНЬ

### Святѣе Богоявлѣние. Крещеніе Гѣспода Бѣга и Спаса нашего Иисуса Христа

При часѣ 5-м дне знаменуєт в великое и потѣм во вся тяжкая. И, собравшєся во храм, начинаєм вечерню и поєм обычный псалѣм. Таже, ектенія великая, и по ектеній, аще бѣдет в суббѣту, стихослѣвим: Блажен муж: кафизму всю. Аще же в неделю, поєм 1-й антифѣн. Аще ли во инья дни, стихолѣгія не бываєт, но абие поєм: Гѣсподи, воззвах: на глас 2. Иерей же творит проскомидію. Діакон кадит цѣрковь, по обычаю.

И мы поєм стихіры прѣздника, на 8, глас 2, самогласны Иоанна монаха:

**П**росветителя нашего, / просвещающаго  
всякаго человека, / видев Предтеча креститися  
пришедша, / радуєтся душою и трепещет,  
рукою показует Его и глаголет людем. / Сей,  
избавляя Израіля, / освобождая нас от ислѣния.  
/ О безгрешный Христѣ Бѣже наш, слава Тебѣ.

Избавителю нашему, от раба крещаему / и Духа  
пришествіем свидѣтельствуему, / ужасошася, зряще,  
Ангельская воинства. / Глас же с Небесѣ  
принесѣся от Отца: / Сей, Егоже Предтеча  
рукою крещает, / Сын Мой єсть возлюбленный,  
о Немже благоволих. / Христѣ Бѣже наш, слава Тебѣ.

Иорданскія струи Тебѣ, Источника, пріяща, / и  
Утѣшитель в видѣ голубинѣ схождаше. / Приклоняет  
верх Приклонивый Небеса. / Зовѣт и вопієт брѣние  
Зиждѣтелю: / что ми повелеваєши, яже



вѣше менѣ? / Аз трѣбую Твоего Крещенія. / О безгрѣшный Христѣ Бѣже наш, слава Тебѣ.

Спасти хотѣ заблуждшаго человека, / не не сподобился еси в рабій зрак облещися: / подобаше бо Тебѣ, Владыце и Бѣгу, воспріяти наша за ны, / Тебѣ бо крещшуся плотию, Избавителю, / оставленія сподобил еси нас. / Тѣмже вопиѣм Ти: / Христѣ Бѣже наш, слава Тебѣ.

**Слава, и ныне, глас тойже. Византиево:**

Приклонил еси главу Предтечи, / сокрушил еси главы змиев. / Пришед в струи, просветил еси всяческая, / еже славити Тя, Спасе, / Просветителя душ наших.

**Вход со Евангелием. Прокимен дне.**

**Бытия чтеніе (глава 1):**

В началѣ сотвори Бог Небо и землю. / Земля же бе невидима и неустроена, / и тьма верху бездны, / и Дух Божій носашеся верху воды. / И рече Бог: / да будет свет. / И бысть свет. / И виде Бог свет, яко добро. / И разлучи Бог между светом и между тьмою. / И нарече Бог свет день, и тьму нарече ночь. / И бысть вечер, и бысть утро, день един. / И рече Бог: / да будет твердь посреде воды, / и да будет, разлучаючи, посреде воды и воды. / И бысть тако. / И сотвори Бог твердь, / и разлучи Бог между водою, яже бе под твердию, / и между водою, яже бе над твердию. / И нарече Бог твердь небо. / И виде Бог, яко добро. / И бысть вечер, и бысть утро, день вторій. / И рече Бог: / да соберется вода, яже под небесем, в собрание едино, и да явится суша. / И бысть тако. / И собрися вода, яже под небесем, в собрания своя, и явися суша. / И нарече Бог сушу землю, / и собрания вод нарече моря. / И виде Бог, яко добро. / И рече Бог: / да прорастит земля билие травное, сеющее семя по роду и по подобію, / и древо плодовитое, творящее плод, / емуже семя его в нем по роду на земли. / И бысть тако. / И изнесе земля билие травное, сеющее семя по роду и по подобію, / и древо плодовитое, творящее плод, / емуже семя его в нем по роду на земли. / И виде Бог, яко добро. / И бысть вечер, и бысть утро, день третій.

**Исхода чтение (глава 14):**

**Рече** Господь к Моисею: / что вопиеш ко Мне? / глаголи сыновом Израилевым, и да путешествуют. / И ты возми жезл твой, / и простри руку твою на море, и расторгни е, / и да внидут сынове Израилевы посреде моря по суху. / И се Аз ожесточу сердце фараоново, и слуг его, и египтян всех, / и внидут в след их, / и прославлюся в фараоне, и во всем воинстве его, и в колесницах, и в конех его. / И уразумеют вси египтяне, яко Аз Господь, / прославляющу Ми ся в фараоне, и в колесницах, и в конех его. / Простре же Моисей руку на море, / и возгна Господь море ветром южным сильным всю ночь, / и сотвори море сухо, и разступися вода. / И внидоша сынове Израилевы в посреде моря по суху, / и вода им бысть стена одесную и стена ошуюю. / Погнаша же египтяне и внидоша создаи их / всяк конь фараонов, и колесницы, и всадницы посреде моря. / Простре же Моисей руку на море, / и устроися вода ко дню на место, / египтяне же бежаша под водою, / и истрясе Господь египтяны посреде моря. / И, обратившися, вода покры колесницы, и всадники, и тристаты, и всю силу фараонову, / вшедших в след их в море, / и не оста от них ни един. / Сынове же Израилевы проидоша по суху посреде моря.

**Исхода чтение (главы 15 и 16):**

**Поют** Моисей сыны Израилевы от моря Чермного и веде их в пустыню Сур. / И идяху три дни в пустыни, и не обретаху воды, да быша пили. / Приидоша же в Мерру, / и не можаху пити воды от Мерры, горька бо бе. / Сего ради наречеся имя месту тому Горесть. / И роптаху людие на Моисея, глаголюще: что пием? / Возопи же Моисей ко Господу, / и показа ему Господь древо. / И вложи е в воду, и сладка бысть вода. / Тамо положи ему Бог оправдания и суды и тамо искушаше его. / И рече: аще слухом услышиши глас Господа, Бога твоего, / и угодная пред Ним сотвориши, / и внушиши заповеди Его, / и сохраниши вся оправдания Его, / всяку болезнь, юже наведох на египтяны, не наведу на тя. / Аз бо есмь Господь, исцеляяй тя. / И



приидоша во Елім, / и бяху тамо дванадесять  
источников вод и седьдесят стебель фиников, / и  
ополчишася тамо при водах. / И воздвигшеся от  
Еліма, / и прииде весь сонм сынов Израилевых в  
пустыню Син, / яже есть между Елімом и между  
Сіною.

### Тропарь, глас 5:

**Явѣлся еси в міре, Іже мир сотворивый, / да  
просветиши во тьме седящия, / Человеколюбче,  
слава Тебѣ.**

**Стих 1: Бóже, ущѣдри ны и благослові ны, /  
просвети лице Твое на ны и помилуй ны. / Познати  
на земли путь Твой, / во всех языцех спасение  
Твое.**

**Да просветиши во тьме седящия, / Человеколюб-  
че, слава Тебѣ.**

**Стих 2: Да исповѣдятся Тебѣ людіе, Бóже, / да  
исповѣдятся Тебѣ людіе вси. / Да возвеселятся и  
да возрадуются языцы, / яко судиши людем  
правотою / и языки на земли наставиши.**

**Да просветиши во тьме седящия, / Человеколюб-  
че, слава Тебѣ.**

**Стих 3: Да исповѣдятся Тебѣ людіе, Бóже, / да  
исповѣдятся Тебѣ людіе вси. / Земля даде плод  
свой, / благослові ны, Бóже, Бóже наш. / Благосло-  
ві ны, Бóже, и да убоятся Его вси концы земли.**

**Да просветиши во тьме седящия, / Человеколюб-  
че, слава Тебѣ.**

### Слава, и ныне:

**Явѣлся еси в міре, Іже мир сотворивый, / да  
просветиши во тьме седящия, / Человеколюбче,  
слава Тебѣ.**

### Иисуса Навіна чтѣние (глава 3):

**Рече Господь ко Иисусу: / в день сей начинаю  
вознести тя пред всеми сынами Израилевыми, / да  
разумеют, зане якоже бех с Моисеом, тако буду и с  
тобою. / И ныне заповѣждь священником, взима-  
ющим ковчег завета, глаголя: / да яко внидете в  
часть воды Иорданския и станете при Иордане. /  
Якоже идяху священницы, вземшии ковчег завета**



Господня, во Иордан, / и но́ги священников, носящих ковчег, омочи́шася в ча́сти воды́ Иорданския. / Иордан же исполня́шеся во всем ло́жи своем, я́коже во дни жа́твы пшени́цы. / И ста́ша воды́ низходя́щая свѣше в сонм еди́н, / отстоя́щая далѣче зело́ от Адами́ гра́да, да́же до страны́ Кариафиарим. / Низходя́щая же сни́де на мо́ре Аравитское, да́же до мо́ря соли́щнаго, / донде́же вконецъ оскуде́, и лю́дие стоя́ху пра́мо Иерихона. / И ста́ша священницы, взѣмшии ковчегъ завета́ Господня, / на су́се, посредѣ́ Иордана, гото́вы. / И вси сы́нове Израилевы преидо́ша по су́ху, / донде́же сконча́ша вси лю́дие, прехо́дяще Иордан.

### Царств четвертых чтѣние (глава́ 2):

Рече́ Илия́ к Елиссѣю: / седи́ убо́ зде, я́ко Господь послá мя до Иордана. / И рече́ Елиссей: / жив Господь, и живá душа́ тво́я, а́ще оста́влю́ тя. / И поидо́ста оба́, / и пятьдесятъ мужей от сыно́в проро́ческихъ приидо́ша и ста́ша пра́мо издалѣча, / оба́ же ста́ста при Иордане. / И приятъ Илия́ мило́ть свою́, и свитъ ю, и порази́ ею́ воды́, / и раздели́ся вода́ сю́ду и сю́ду, и преидо́ста оба́ по су́ху. / И бысть, я́ко преидо́ста, и рече́ Илия́ Елиссѣю: / проси́, что́ сотворю́ тебѣ́, пре́жде да́же не взятъ бѹду́ от тебѣ́. / И рече́ Елиссей: / да бѹдетъ убо́ Духъ, и́же в тебѣ́, сугубъ во мне. / И рече́ Илия́: ожесточи́л еси́ проси́ти, / оба́че а́ще уви́диши мя, взѣмле́ма от тебѣ́, бѹдетъ ти тако; / а́ще ли же не уви́диши, не бѹдетъ. / И бысть иду́щим им и глаголю́щим, / и се колесни́ца о́гненна, и ко́ни о́гненни, и раздели́ между́ оба́ма. / И взятъ́ся Илия́ тру́сом, я́ко на не́бо. / И Елиссей зря́ше, и той вопи́аше: / о́тче, о́тче, колесни́ца Израилева, и ко́ни его́, / и не ви́де его́ ктому́. / И я́тсѣя Елиссей за ризы́ сво́я, и раздра́ я на дво́е, / и взятъ́ мило́ть Илиину́, па́дшую верху́ его́. / И обрати́ся Елиссей, и ста́ на бре́зе Иордана. / И приятъ́ Елиссей мило́ть Илиину́, па́дшую верху́ его́, / и уда́ри воды́, и не раздели́шася. / И рече́ Елиссей: / где́ убо́ е́сть Богъ Илиинъ Аффо́? / И уда́ри Елиссей воды́ второ́е, / и раздели́шася воды́, и пре́йде по су́ху.

### Царств четвертых чтение (глава 5):

Прииде Нееман, князь царя Ассирийскаго, с колесницами и коньми своими / и ста при дверех храма Елиссеева. / И послал Елиссей к нему вестника, глаголя: / шед, измьйся во Иордане седмижды, / и обратится плоть твоя к тебе, и очистишися. / И разгневался Нееман, и отыде, и рече: / се рех, да изыдет ко мне, и призовет о имени Господа Бога своего, / и положит руку свою на проказу, и отымет ю от плоти моея. / Не добрейши ли суть Арвана и Фарфа, рече Дамаскове, / паче Иордана и всех вод Израилевых? / Не шед ли, измьюся в них и очыщуся? / И возвратися, и отыде с гневом. / И приступиша отроцы его и рече к нему: / господи, аще бы велие слово глаголал к тебе пророк, / не бы ли сотворил, якоже рече к тебе: / измьйся и очистишися? / И сниде Нееман, и погрузися во Иордане седмижды, по глаголу человека Божия, / и обрати плоть его к нему, яко отрочате мала, / и очистися.

### Тропарь, глас 6:

Грешником и мытарем / за множество милости Твоея / явился еси, Спасе наш.

Где бо имел бы свет Твой возсияти, / токмо на седящая во тьме? / Слава Тебе.

**Стих 1:** Господь воцарися, в лепоту облечеса, / облечеса Господь в силу и препоясая, / ибо утверди вселенную, яже не подвижится. / Готов престол Твой оттоле, / от века Ты еси.

Где бо имел бы свет Твой возсияти, / токмо на седящая во тьме? / Слава Тебе.

**Стих 2:** Воздвигоша реки, Господи, воздвигоша реки гласы своя. / Возмут реки сотрения своя от гласов вод многих.

Где бо имел бы свет Твой возсияти, / токмо на седящая во тьме? / Слава Тебе.

**Стих 3:** Дивны высоты морския, дивен в высоких Господь. / Свидения Твоя уверишася зело. / Дому Твоему подобает святыня, Господи, в долготу дней.

Где бо имел бы свет Твой возсияти, / токмо на седящая во тьме? / Слава Тебе.



### Сла́ва, и ны́не:

Грѣшником и мытарѣм / за мно́жество мѣлости  
Твоея / явился еси́, Спа́се наш.

Где бо имѣл бы свет Твой возсия́ти, / то́кмо на  
седа́щия во тьме? / Сла́ва Тебе́.

### Проро́чества Иса́иина чтѣние (глава́ 1):

Та́ко глаго́лет Госпо́дь: / измѣйтесь и чѣсти  
бу́дете, / отымѣте лука́вствия от душ ва́ших, пред  
очи́ма Мойма / престаните от лука́вствий ва́ших. /  
Научите́ся до́брое творѣти, / изыщѣте суда́, избá-  
вите обѣдима, / судѣте си́ру, и оправдѣте вдови́-  
цу. / И приидѣте, истя́жимся,—глаго́лет Госпо́дь,— /  
и а́ще бу́дут греси́ ва́ши, я́ко багряное, / я́ко снег,  
убелю́; / а́ще же бу́дут, я́ко червлѣное, / я́ко во́лну,  
убелю́. / И а́ще хо́чете и послу́шаете Мене́, / благáя  
земли́ снѣсте. / А́ще ли же не хо́чете, ниже́  
послу́шаете Мене́, / меч вас поя́ст. / Уста́ бо  
Госпо́дня глаго́лаша сия́.

### Быти́я чтѣние (глава́ 32):

Возрѣв Иа́ков и ви́де полк Бо́жий ополчѣвшивши́-  
ся, / и срето́ша егó Ангели Бо́жии. / Рече́ же Иа́ков,  
егда́ ви́де их: / полк Бо́жий сей. / И нарече́ и́мя  
мѣсту то́му Полкѣ. / Посла́ же Иа́ков вѣстники пред  
собо́ю ко Иса́ву, бра́ту своему́, / в зѣмлю Си́р, во  
страну́ Едо́мскую. / И заповѣда им, глаго́ля: / си́це  
рчи́те госпо́дину моему́ Иса́ву: / та́ко глаго́лет  
о́трок твой Иа́ков: / с Лавáном пожѣх и укуснѣх до  
ны́не, / и бѣша ми о́вцы, и волóве, и ослѣ́та, и рабы́,  
и рабы́ни. / И посла́х возвестѣти гóсподеви моему́  
Иса́вови, / да обря́щет благода́ть о́трок твой пред  
тобо́ю. / И возврати́шася вѣстницы ко Иа́кову,  
глаго́люще: / идо́хом ко Иса́ву, бра́ту тво́ему, / и се  
сам грядѣт в срѣтение твоѣ / и четѣ́ре ста мужѣй с  
ним. / Убо́йся же Иа́ков зело́, и недоумева́шеся, / и  
раздели́ лю́ди, иже с ним, и волы́, и о́вцы на два  
полка́. / И рече́ Иа́ков: / а́ще при́дет Иса́в на полк  
еди́н и посече́т и, / бу́дет полк вторы́й во спасѣ́-  
ние. / И рече́ Иа́ков: / Бог отца́ моего́ Авраáма / и  
Бог отца́ моего́ Исаáка, Гóсподи, рекѣ́й ми: / отбежи́  
в зѣмлю быти́я твоего, и до́бро ти сотворю́. /  
Дово́льно ми да бу́дет от вся́кия пра́вды и от

всякія істины, / юже сотворил еси отроку Твоему, / с жезлом бо моим сим преидох Иордан.

### Исхода чтение (глава 2):

Сниде дщи фараонова измытися на реку, / и рабыни ея прехождяху при реце, / и видевши крабийцу\* в лучице\*\*, пославши рабыню взят ю. / Отверзши же, видит отроча, плачущееся в крабийце, / и пощадил е дщи фараонова, и рече: / от детей еврейских сие. / И рече сестра его дщери фараонове: / хочещи ли призову ти жену питательницу от еврей, / и воздойт ти отроча? / И рече ей дщи фараонова: иди. / Шедши же, отроковица призвала мать отрочат. / Рече же к ней дщи фараонова: / соблюди ми отроча сие и воздой ми е, аз же дам ти мзду. / Приемше же жена отроча и дойше е. / Устрабившуся\*\*\* же отрочати, введе е ко дщери фараонове, / и бысть ей в сына. / Именована же имя ему Моисей, глаголющи: / от воды взях его.

### Судей чтение (глава 6):

Рече Гедеон к Богу: / аще спасаша рукою моею Израиля, имже образом рекл еси: / Се аз положу руну овчье на гумне / и, аще будет роса на руне токмо, по всей же земли суша, / разумю, яко спасеша рукою моею Израиля, / имже образом рекл еси. / И бысть тако. / И уранив Гедеон наутрие, и исцеди руну, / и истече роса от руну, / исполнен окрин воды. / И рече Гедеон к Богу: / да не прогневается убо ярость Твоя на мя, / и возглаголю еще единою, и искушу еще единою руну: / да будет убо суша на руне токмо, по всей же земли роса. / И сотвори Бог тако в ночи той, / и бысть суша на руне токмо, / по всей же земли бысть роса.

### Царств третьих чтение (глава 18).

Рече Илия к людем: / приступите ко мне. / И приступиша вси людие к нему. / И взят Илия дванадесять камней, / по числу дванадесяти колен сынов Израилевых, / якоже глагола Господь к

\* крабийцу — корабль, корзину

\*\* в лучице — излучине, в болоте, низменном месте

\*\*\* устрабившуся — успокоившемуся, выздоровевшему



немú, глаго́ляй: / Изра́иль бу́дет и́мя твоё. / И созда́ ка́мение, и исцели́ олта́рь Господень раско́пан-  
ный, / и сотвори́ ров, вмеща́ющ по две ме́ры се́мени, о́крест олтаря́. / И положи́ полéна на олтаря́, егóже сотвори́. / И раздробí всесожжéния, и положи́ на полéна, и обьиде олта́рь. / И рече́ Илия́: / примите ми четы́ре водонóсы воды, / и да проли́ются на олта́рь, на всесожжéние же и на полéна. / И рече́: удво́йте. / И удво́иша. / И рече́: утрóйте. И утрóиша. / И идя́ше вода́ о́крест олтаря́, и ров испол́нися воды. / И возопí Илия́ на нéбо, и рече́: / Гóсподи Бóже Авра́мов, и Иса́ков, и Иа́ковль, / услы́ши мене́ днесь огнём, / и разуме́ют вси лю́дие сии, я́ко Ты еси́ Еди́н Господь Бог Изра́илев, / и аз раб Твой и Тебé ра́ди сотвори́х сия́ вся, / и Ты обрати́ сердца́ людéй сих в след Тебé. / И падé огонь от Гóспода с Небесé / и поядé всесожжé-  
ния, и полéна, и во́ду, я́же на них, / и во́ду, я́же в ро́ве, и ка́мение, и персть полиза́ огонь. / И падóша вси лю́дие на лице́ своём и рéша: / воистинну́ Господь Бог, Той есть Бог.

### Царств четвёртых чтéние (глава́ 2):

Рекóша мýжие гра́да Иерихóнска ко Елиссéю: / се жили́ще гра́да сегó добро́, я́коже ты, гóсподи, ви́диши, и во́ды злы и безча́дны. / И рече́ Елиссéй: / примите ми водонóс нов и всы́плите ту соль; / и прия́ша и. / И изьиде на исхождéние вод, и ввэ́рже та́мо соль, и рече́: / та́ко глаго́лет Господь, / исцели́х во́ды сия́, и не ктому́ бу́дет отню́д умира́я, / ниже́ безча́дствующая сими́. / И исцелéша во́ды до дне сегó, / по глаго́лу, я́же глаго́ла Елиссéй.

### Прорóчества Иса́иина чтéние (глава́ 49):

Та́ко глаго́лет Господь: / во вре́мя приятное послу́шах тя, / и в день спасéния помогóх тебé, / и созда́х тя, и дах тя, и положи́х тя в завет язы́ков, / е́же устро́ити зéмлю и наследити насле́дие пусты́ни. / Глаго́люща сýщим во úзах: изыди́те! / и я́же во тьме: открьй́тесе! / На всех путéх пасти́ся бу́дут, и на всех стезя́х па́жить их. / Не взáлчут, ниже́ вжа́ждут, ниже́ поразит их зной, ниже́ солнце, / но Милуяй их утéшит я / и сквозé исто́чники вод проведéт я. / И положу́ вся́ку гóру в путь и вся́ку



стезю в пáству их. / Се сии издалéча прийдут, сии от сéвера и мóря, / инѣи же от землѣ Пёрсская. / Да веселятсѣ Небеса, и радуется земля, / да отрыгну́т горы весéлие и хóлми правду, / я́ко помѣлова Господь люди Своѣ / и смиренныя людей утѣши. / Речé же Сион: / остави мя Господь, и Бог забы мя. / Едá забудет женá отрочá своеé или не помѣлуе́т изча́дия чрэва своего? / Аще ли же и сих забудет женá, но Аз не забуду тебе,— / глаголет Господь.

**Ектенія: Пáки и пáки: Возглас трисвятóму: И трисвятóе: Тáже прокѣмен, глас 3: Господь просвещéние моé и Спаситель мой, / когó убою́ся? / Стих: Господь Защи́титель животá моего, от когó утрашúся? Апóстол к Коринфяном, зачáло 143: Брáтие, свобóды сый от всех: Аще ли несть пост, начина́ем егó от полú: Брáтие, не хоцú вас не вéдети: Аллилу́ия, глас 6: Отрыгну́ сердце моé слóво блага: Стих: Красен добрóтою пáче сынóв человéческих. Евангелие от Лукы, зачáло 9: В пятоена́десять лéто: И по рядú Божéственная Литургѣя Вели́каго Васѣлия. Вмéсто Достóйно: поём: О Тебé радуется: Кинонѣк: Хвалите Гóспода с Небес:**

**И по заамвóнной молѣтве áбие исхóдим вси ко свящénной купéли в притвóр или на истóчники цáрскими враты. Игу́мен или старейший иерей, нося́й на главé Честный Крест, предъидúщим ему́ священóсцем и диáконом с кадѣлы. И полага́ет Честный Крест на благоукрашенном столé, идéже и водé, уготóванной в чáше, и свещáм, окрест стоящим, и даю́тся свещи́ брáтиям, и настоя́тель кади́т окрест столá, тáже óбразы, и прáздника на аналóгии, и священников, и ли́ки по чѣну, предходя́щу ему́ диáкону со свещéю, клѣриком же, пою́щим тропарѣ сѣя.**

### Глас 8:

**Глас Господень на водах вопиёт, глаголя: / приидите, примите вси / Дúха премúдрости, / Дúха рáзума, / Дúха стра́ха Бóжия, / я́вляшагосѣ Христа.**

**Трижды.**

**Днесь вод освящáется естество, / и разделя́ется Иордан, / и своих вод возвращáет струй, / Влады́ку зря крещáема.**

**Дважды.**

**Я́ко Человéк, на реку́ пришёл еси́, Христé Царю́, / и рабское Крещéние прияти тщи́шися, Блáже, / от Предтэ́чеву руку́ / грех рáди нáших, Человеколóбче**

**Дважды.**

**Слáва, и ны́не, глас тóйже:**

**Ко гласу вопию́щаго в пусты́ни: / уготóвайте путь Господень, / пришёл еси́, Гóсподи, зрак ра́бий**



приим, / Крещенія прося, не ведый греха. / Виде-  
ша Тя воды и убояшася. / Трѣпетен бысть Предте-  
ча и возопи, глаголя: / како просветит светильник  
Света? / Како руку положит раб на Владыку? /  
Освятѣ мене и воды, Спасе, вземляй мира грех.

**Пророчества Исаиина чтѣние (глава 35):**

**Тако** глаголет Господь: / да возвеселится пусты-  
ня жаждущая, / да возрадуется пустыня и процвет-  
ет, яко крин, / и да прозябнет, и вся возвеселят-  
ся. / И возрадуются пустынная Иорданова, / и  
слава Ливанова дана бысть ей и честь Кармило-  
ва, / и людие мой узрят славу Господню и высоту  
Божью. / Укрепитесь, руки ослабленныя, / и, колѣ-  
на разслабленная, утѣшитесь, / и рцѣте малодуш-  
ным мыслию: / укрепитесь и не бойтесь, се Бог наш  
суд воздает, / Той придет и спасет нас. / Тогда  
отверзутся очеса слепых, и ушеса глухих услы-  
шат. / Тогда скочит хромый, яко елень, / и ясен  
будет язык гугнивых, / яко проразися в пустыни  
вода и дебрь в земли жаждущей. / И будет  
безводная в блага, / и в жаждущей земли источник  
воды будет. / Тамо будет веселие птиц, / водворе-  
ние сиринов, и тростий, и блага. / Тамо будет путь  
чист, и путь свят наречется, / и не мимоидет тамо  
нечист, / ниже будет тамо путь нечистый, / разсе-  
яннии же пойдут по нему, и не заблудят. / И не  
будет тамо льва, / ниже от зверей лютых взидет  
нань, ниже обрящется тамо, / но пойдут по нему  
избавленнии и собраннии от Господа, / и обратят-  
ся, и придут в Сион с веселием и радостию, / и  
веселие вечное над главою их. / Хвала, и радова-  
ние, и веселие постигнет их, / отбеже болезнь,  
печаль и воздыхание.

**Пророчества Исаиина чтѣние (глава 55):**

**Тако** глаголет Господь: / жаждущии, на воду  
идите, / и, елицы не имате сребра, шедше, купите, /  
и ядите, и пейте без сребра и цены вино и тук. /  
Вскую цените сребро не в хлебы / и труд ваш не в  
сытость? / Послушайте Мене и снесите благая, / и  
насладитесь во благих душа ваша. / Внимайте  
ушима вашима и последуйте путем Моим, / услы-  
шите Мене, и жива будет во благих душа ваша. / И

завещаю вам завет вечен, / преподобная Давидова верная. / Се свидетельство во языцех, / дах Его Князя и Повелителя во языцех. / Се языцы, иже не ведяху Тя, призовут Тя, / и люди, иже не познаша Тя, к Тебе прибегнут, / ради Господа Твоего и Святаго Израилева, яко прославих Тя. / Вышщите Бога, и внемлите гласу Его, и обратитесь к Нему, / да оставит нечестивый путь свой / и муж беззаконный советы своя. / И обратитесь к Господу Богу вашему и помилованы будете, / яко многу оставит грехи ваша. / Не суть бо совети Мои, якоже совети ваши, / ниже якоже путие ваши, путие Мои,— глаголет Господь. / Но якоже отстоит Небо от земли, тако отстоит путь Мой от путей ваших / и размышления ваша от мысли Моея. / Якоже бо аще снидет дождь или снег с Небес / и не возвратится оттуда, дондеже упоит землю, / и родит, и прозябнет, и даст семя сеющему / и хлеб в снедь, / тако будет глагол Мой, / иже аще изыдет из уст Моих и не обратится ко Мне тощ, / дондеже аще скончает вся, елика восхотех, / и поспешу пути Мой и повеления Моя. / Веселием бо изыдете и радостию научитесь, / горы бо и холми скочат, ждуще вас в радости, / и вся древеся сельная восплещут ветвми. / И вместо драчия\* взыдет кипарис, / вместо же крошвы взыдет мирсина\*\*. / И будет Господь во имя / и в знамение вечное и не оскудеет.

### Пророчества Исаиина чтение (глава 12):

Тako глаголет Господь: / почерпите воду с веселием от источник спасения. / И речеши в день он: / исповедаетесь Господеву и призовите Имя Его, / возвестите во языцех славу Его. / Помяните, яко вознесся Имя Его. / Пойте Имя Господне, яко высокая сотвори. / Возвестите сия по всей земли, / радуйтесь и веселитесь, живущии в Сионе, / яко вознесся Святыи Израилев посреде его.

**Прокимен, глас 3:** Господь просвещение мое и Спаситель мой, / кого убояся? **Стих:** Господь Защититель живота моего, / от кого устрашуся?

\* драчие— тростник, терн

\*\* мирсина— благовонные травы



### Апостол к Коринфяном (зачало 143):

**Б**ратие, / не хоцú вас не ведети, / яко отцы наши вси под облаком бьша / и вси сквозе море проидоша. / И вси в Моисея крестяшася во облаце и в мори. / И вси тожде брашно духовное ядоша. / И вси тожде пиво духовное пьша, / пияху бо от духовнаго последующаго камене, камень же бе Христос.

**Аллилуия, глас 4:** Глас Господень на водах: / Бог славы возгремé, Господь на водах многих.

### Евангелие от Марка (зачало 2):

**В**о время оно / прииде Иисус от Назарета Галилейскаго / и крестяся от Иоанна во Иордане. / И абие, восходя от воды, / виде разводящася Небеса, / и Дух, яко голубь, сходящ Нань. / И глас бысть с Небесе: / Ты еси Сын Мой возлюбленный, / о Немже благоволих.

### Диакон же глаголет ектению:

**М**иром Господу помолимся.

**О** свьшнем мире и спасении душ наших / Господу помолимся.

**О** мире всего мира, / благостоянии Святых Божиих Церквей и соединении всех / Господу помолимся.

**О** святем храме сем / и с верою, благоговением и страхом Божиим входящих в онь / Господу помолимся.

**О** Великом Господине и Отце нашем, Святейшем Патриархе (**имя рек**), / и о господине нашем Преосвященнейшем митрополите (или архиепископе, или епископе) (**имя рек**), / честнем пресвитерстве, во Христе диаконстве / и о всем причте и людех / Господу помолимся.

**О** Богохранимей стране нашей, властех и воинстве ея / Господу помолимся.

**О** граде сем (или о веси сей, или о святей обители сей), всяком граде, стране / и верою живущих в них / Господу помолимся.

**О** благорастворении воздушных, / о изобилии плодов земных и временах мирных / Господу помолимся.

**О** плавающих, путешествующих, / недугующих, страждущих, плененных / и о спасении их / Господу помолимся.

**О** еже освятитися водам сим / силою, и действием, и найтием Святаго Духа / Господу помолимся.

**О** еже низходити на воды сия / очистительному Пресущныя Троицы действу / Господу помолимся.

**О** еже дароватися им благодати избавления, благословению Иорданову / силою, и действием, и найтием Святаго Духа / Господу помолимся.

**О** еже сокрушится сатане под ногами нашими вскоре / и разорится всякому совету лукавому, движимому на ны, / Господу помолимся.

**Я**ко да Господь Бог / измет нас от всякаго навета и искушения сопротивника / и достойны содедает обещанных благ / Господу помолимся.

**О** еже просветитися нам просвещением разума и благочестия, / найтием Святаго Духа / Господу помолимся.

**О** еже низпослати Господу Богу / благословение Иорданово и освятити воды сия / Господу помолимся.

**О** еже быти воде сей / освящения дару, грехов избавлению, / во исцеление души и тела / и на всякую пользу изрядную / Господу помолимся.

**О** еже быти воде сей / приводящей в Жизнь Вечную, / Господу помолимся.

**О** еже явитися сей / отгнанию всякаго навета видимых и невидимых враг / Господу помолимся.

**О** черплющих и емлющих во освящение домов / Господу помолимся.

**О** еже быти сей / во очищение душ и телес всем, / верою черплющим же и причащающимся от нея, / Господу помолимся.

**О** еже сподобитися нам / исполнитися освящения вод сих причащением, / невидимым явлением Святаго Духа / Господу помолимся.

**О** еже услышати Господу Богу / глас моления нас, грешных, и помилovati нас / Господу помолимся.

**О** избавитися нам от всякия скорби, гнева и нужды / Господу помолимся.



**Заступи́, спаси́, помилуй / и сохрани́ нас, Бóже, Твоею́ Благода́тию.**

**Пресвяту́ю, Пречы́стую, Преблагословенну́ю, / Сла́вную Влады́чицу на́шу Богоро́дицу и Присноде́ву Мари́ю / со все́ми святы́ми помяну́вше, / са́ми себе́, и друг дру́га, и весь живо́т наш Христу́ Бо́гу преда́дим.**

**Сим, глаго́лемым, священник та́йно моли́тву си́ю глаго́лет:**

**Го́споди Иису́се Христе́, / Единоро́дный Сы́не, Сый в не́дре Отчи, / и́стинный Бóже, Исто́чнице Жи́зни и безсме́ртня, / Све́те от Све́та, / пришедый в мир, е́же просвети́ти его́, / озари́ на́шу мысль Святы́м Твои́м Ду́хом / и приими́ нас, вели́чество и благодарéние Тебе́ приносящих / о́ я́же от ве́ка дивных Твои́х великоде́йствиих / и е́же в послéдня вéки спаси́тельном Твоём смотре́нии, / в нёмже в на́ше немощно́е и ни́щее оде́всья сме́шение / и рабо́тным ме́рам снизше́дый, / И́же всех Царю́, / е́ще и ра́бскою руко́ю во Иорда́не креститися претерпе́л еси́, / да, водно́е естество́ освятив, Безгрéшне, / путесотвори́ши нам е́же водо́ю и Ду́хом па́ки рождéние / и к пёрвому нас устрои́ши свобождéнию. / Егóже Божéственнаго та́инства воспомина́ние прáзднующе, / мо́лимся Тебе́, Влады́ко Человеколю́бче, / воскро́пи и на ны, недо́стойныя рабы́ Тво́я, / по Божéственному Твоему́ обеща́нию водо́ю чы́сту, / Твоего́ благоутрóбия дар, / во е́же над водо́ю сею́ проше́нию нас, грéшных, / благоприятну́ быти Твоею́ бла́гостию и благосло́вению Твоему́ ей, / нам же и всем вёрным лю́дем Твои́м дарова́тися / в сла́ву Свята́го и покланя́емаго Твоего́ Имене. / Я́ко подобáет Тебе́ вся́кая сла́ва, честь и поклонéние / со Безнача́льным Твои́м Отце́м / и Пресвяты́м, и Бла́гим, и Животворя́щим Твои́м Ду́хом, / ны́не, и присно, и во вéки веко́в.**

**И рек в себе́: Ами́нь.**

**Диáкону же испо́лнившу ектени́ю, начина́ет священник велегласно моли́тву си́ю:**

**Вели́й еси́, Го́споди, / и чу́дна дела́ Тво́я, / и ни еди́но же сло́во дово́льно бу́дет / к пéнию чудес Твои́х. Трѣжды.**

**Т**ы бо, хотѣнием от не сущих / во еже бѣгти  
 приведѣи всѣческая, / и Твоею державою содер-  
 жиши тварь, / и Твоим промыслом строиши мир, /  
 Ты, от четырёх стихій тварь сочинивѣи, / четыр-  
 ми временѣи круг лета венчал еси. / Тебѣ трепещут  
 умныя вся силы, / Тебѣ поет солнце, / Тебѣ славит  
 луна, / Тебѣ присутствуютъ звѣзды, / Тебѣ слѣшает  
 свет, / Тебѣ трепещут бѣздно, / Тебѣ работаютъ  
 источницы. / Ты простерл еси небо, яко кожу, / Ты  
 утвердил еси землю на водах, / Ты оградил еси  
 море песком, / Ты ко отдыханиемъ воздухъ пролил  
 еси. / Ангельския силы Тебѣ служат, / Архангель-  
 стии лица Тебѣ кланяются, / многоочити Херувимъ  
 и шестокрилати Серафимъ, / окрестъ стояще и  
 облетающе, / страхомъ неприступныя славы Твоея  
 покрываються. / Ты бо, Богъ Сый Неописанный, /  
 Безначальный же и Незглаголаный, / пришелъ  
 еси на землю, зракъ раба приимъ, / в подобии  
 человечествомъ бывъ, / не бо терпел еси, Владыко, /  
 милосердия ради милости Твоея / зрѣти отъ дѣавола  
 мучима рода человека, / но пришелъ еси и спасл еси  
 нас. / Исповѣдуемъ благодать, / проповѣдуемъ ми-  
 лость, не таимъ благодеяния: / естество нашего  
 роды свободил еси, / дѣвственную освятил еси  
 утробу рождествомъ Твоимъ. / Вся тварь воспева-  
 етъ Тя, явльшагося: / Ты бо, Богъ нашъ, на земли явилъ  
 еси / и с человека пожил еси, / Ты Иорданския  
 струи освятил еси, / с Небесъ низпославъи Свята-  
 го Твоего Духа, / и главы тамо гнездящихся  
 сокрушил еси змиевъ.

**И сие ѹбо священникъ глаголя трижды, и воду  
 рукою благословляетъ на кийждо стихъ:**

**Ты ѹбо, Человеколюбче Царю, / прииди и ныне  
 найдемъ Святаго Твоего Духа / и освяти воду сию.**

**Сие глаголи трижды.**

**И даждь ей благодать избавления, / благослове-  
 ние Иорданово, / сотвори ю нетления источникъ, /  
 освящения даръ, / греховъ разрешеніе, недуговъ  
 исцеленіе, / демоновъ всегубительство, / сопротив-  
 нымъ силамъ неприступную, / Ангельския крепости  
 исполненную, / да вси, почерпающе и причаща-  
 ющися, / имѣютъ ю ко очищению душъ и телесъ, / ко  
 исцелению страстей, / ко освящению домовъ / и ко**



всякой пользе изрядну. / Ты бо еси Бог наш, / Иже водою и Духом обновивый обетшавшее грехом естество наше. / Ты еси Бог наш, / водою потопивый при Нои грех. / Ты еси Бог наш, / Иже морем свободивый от работы фараони Моисеом род еврейский. / Ты бо еси Бог наш, / разразивый камень в пустыни, / и потекоса воды, и потоцы наводнишася, / и жаждущия люди Твоя насытивый. / Ты еси Бог наш, / Иже водою и огнем переменивый Илию Израиля от прелести Вааловы.

**Сам и ныне, Владыко, / освяти воду сию Духом Твоим Святым. Трижды.**

**Дождь же всем, прикасающимся ей, / и причащающимся, и мажущимся ею, / освящение, здравие, очищение и благословение.**

**Спаси, Господи, и помилуй Великаго Господина и Отца нашего (имя рек), Святейшаго Патриарха Московскаго и всея Руси, и Преосвященнейшаго епископа (имя рек) (его же есть область). И сохрани их под кровом Твоим в мире, / покорй им всякаго врага и супостата, / даруй им вся, яже ко спасению прошения, и жизнь вечную, / да и стихиями, и человеки, и Ангелы, / и видимыми, и невидимыми / славится Твое Пресвятое Имя, / со Отцем и Святым Духом, / ныне, и присно, и во веки веков, аминь.**

**Священник: Мир всем.**

**Диакон: Главы ваша Господеви приклоните.**

**Священник, преклонься, молился тайно:**

**Приклони, Господи, ухо Твое и услыши ны, / Иже во Иордане креститися изволивый и освятивый воды, / благослови всех нас, / иже приклонением своею вии назнаменующих работное воображение, / и сподоби нас исполнитися освящения Твоего причащением воды сея, / и да будет нам, Господи, во здравие души и тела.**

### **Возглашение:**

**Ты бо еси освящение наше, / и Тебе славу, и благодарение, и поклонение возсылаем / со Безначальным Твоим Отцем / и Пресвятым, и Благим, и Животворящим Твоим Духом, / ныне, и присно, и во веки веков, аминь.**



И а́бие, благословля́я во́ду крестови́дно Честны́м Крестом, погружа́ет его́ пра́во, низво́дя в во́ду и возво́дя, держа́ его́ обе́ма рука́ма, по́я настоя́щий тропа́рь во глас пе́рвый:

**В**о Иорда́не креща́ющуся Тебе́, Го́споди, / Трѳ́й-  
ческое яви́ся поклонѳ́ние: / Родите́лев бо глас  
свидѳ́тельствова́ше Тебе́, / возлю́бленнаго Тя Сы́-  
на имену́я, / и Ду́х в ви́де голу́бине / изве́ствова́ше  
словесе́ утвержде́ние. / Явле́йся Христе́ Бо́же / и  
ми́р просвеще́й, сла́ва Тебе́.

И в други́й та́кожде Крестом зна́менует во́ду, и в тре́тий та́кожде, то́йже тропа́рь по́я, сам настоя́тель, спою́щим ему́ и про́чим священни́ком; та́же пою́т и ли́ки то́йже тропа́рь. Настоя́тель же, взем священну́ю во́ду на блю́до и обра́тятся на за́пад лице́м, в ле́вой руце́ держа́ Честны́й Крест, а в пра́вой васильки́, кро́пит крестообра́зно на вся страны́. И прихо́дят пре́жде к настоя́телю священни́цы, два два, и целу́ют Честны́й Крест, и зна́менует их василько́м по лицу́ со священну́ю водо́ю крестообра́зно; по то́му же чи́ну и вся бра́тия. Поѳ́тся же то́гда тропа́рь от всех, мно́гажды, до́ндеже освята́тся вся бра́тия водо́ю кро́плением и причаще́нием. И а́бие вхо́дим во храм, и поѳ́м стихи́ру.

**Сла́ва, и ны́не, глас 6,**

Воспо́йм, ве́рнии, / е́же о нас Бо́жия благоде́яния  
вели́чество: / о на́шем бо прегреше́нии быв Чело-  
вѳ́к, / на́шим очище́нием очища́ется во Иорда́не, /  
Един Чи́стый и Нетле́нный, / освяща́яй мене́ и  
во́ды / и главы́ змиѳ́в сокруша́яй в воде́. / Почерпе́м  
у́бо во́ду с весе́лием, бра́тие: / благода́ть бо Ду́ха  
ве́рно почерпа́ющим / невиди́мо подава́ется от  
Христа́ Бо́га / и Спа́са душ на́ших.

**Та́же: Буди́ Имя́ Господне́ благослове́но от ны́не  
и до ве́ка. Трѳ́жды. И псалом 33: Благо́словлю́  
Го́спода на вся́кое вре́мя: (зри страни́цу 213)**

И даѳ́тся антидо́р от иере́я и отпу́ст. По отпу́сте, и́ли есть  
Литурги́я, и́ли несть, поставля́ется све́щник среди́ це́ркве.  
Кли́рицы же, ста́вшие оба́ ли́ка вку́пе, пою́т тропа́рь  
пра́здника. Сла́ва, и ны́не, конда́к. По сконча́нии же  
конда́ка многоле́тны, я́коже обы́чно.

И вхо́дим в тра́пезу, и я́дим с древе́номаслием, испива́ем  
же и вина́. Сы́ра же, и подобны́х ему́, и ры́б ника́коже  
дерзне́м я́сти: возбу́ра́но бо есть Бо́жественными  
пра́вилами.

Си́це быва́ет служба́, по́стному дню́ су́щу, в навече́рии  
Просвеще́ния.

Изве́стно же бу́ди всем о святе́й воде́:



Яко нецыи, суть отлучающе себе от святыя воды *зри* вкушения ради, не добре творят, ибо благодати ради Божия дана бысть на освящение миру и всей твари. Темже во всяких мѣстех, и скаредных, и всюду кропится, яже и под ногами нашими суть. И где сих разум, еже не пити сея? Но да веши, яко не вкушения ради ястия нечистота в нас есть, но от скверных дел наших: очищены же от сих, пием без сомнения сию святую воду.

О сей водѣ, Небесная она словесная ластовица, злато-словесный вселенский учитель Иоанн, Константинограда Патриарх, в слове своем, о еже сходится христианом во святую Божию церковь и о Крещении, егоче начало: **Все вы в благодущии есте днесь, аз же в печали един болѣзную: свидѣтельствуемъ, глаголя: но убо чесо ради не день, воньже родися, но день, воньже крестися, явлѣние глаголется? сий бо есть день, воньже крестися и вод освятї естество.**

Сего ради и в полунощи на праздник сей вси, почерпше, в дома воду относят, и соблюдают, и чрез лето всецелое хранят, понеже день освященных вод. И знамение бываает явственнее: не растлевающуся вод оных естеству долготю времени, но на лето всецелое, и два, и три многаци лета, днесь почерпнѣнной водѣ целой и новой пребывающей и по толицем времени ныне от источников емлемым водам сравняющейся.

Подобает и сие ведати:

Яко аще случится навечерие святаго Богоявления *зри* субботу или неделю, пост не бываает.

Литургия же бываает Златоустаго, во свое время, по обычаю, якоже и всегда.

И по отпущении Литургии в трапезу не ходим, но в притворе церковнем седшим нам трапезарь дает по улѣмку хлеба коемуждо или по малу хлебцу пшеничному, и мало смѣквий и фиников, и по единой чаше вина, яко да наречѣтся пост; ожидаем же вечерняго собора. Посем, отшедше в келлии своя, безмолвствуем до времени вечерняго.

Великаго же Васілія Литургия совершается в самый праздник; вместо же **Достойно**: поем ирмос 9-я песни праздника.

При часѣ же вечернем дие: Знаменует в великое и потом во вся тяжкая. И, собравшимся нам во храм и благословившу иерею, поем вечерню, по обычаю. Псалом: **Благослові, душе моя, Господа: Аще в субботу вечера, поем Блажен муж: кафізму всю. Аще же в неделю вечера, поем 1-й антифон. На Господи, возвах: поем стихиры праздника, на 8, глас 2: Просветителя нашего: Слава, и ныне, глас тойже: Приклонил еси главу Предтечи: Таже, вход со Евангелием. Свете Тихий: Прокимен дне и чтенія по чину их, с тропарі и со стихі их. Трисвятѣе же не поем, занеже**



не совершается Божественная Литургия. По чтении же паремий, ектений малая и по возгласе прокимен, Апостол и Евангелие, яко предписася. Ектения: Рцем вси: и Сподоби, Господи: и Исполним вечернюю молитву: Иерей возглас. И исходим ко крестильнице, идеже уготован стол, и действует настоятель или иерей по чину, якоже указася прежде, поюще тропарь: Глас Господень на водах: И прочее бываает возследование освящения воды неизменно. По кроплении же освященныя воды входим во храм и поем стихиру: Слава, и ныне, глас 6: Воспойм, вернии: и отпуст. Потом тропарь праздника: Слава, и ныне, кондак: Явился еси днесь: И, пивше священную воду, входим в трапезу, и ядим совершенно с древяномаслием, и пием вино.

*зри* Ведати подобаает, яко праздник святых Богоявлений в кийлибо день случится, поем повечерие великое сице:

О часе 1-м нощи бываает благовест и потом трезвон во вся кампаны. Иерей же со диаконом, облечешся, творят начало, якоже во вся праздники Владычни. Диакон глаголет: Благослови, владыко. Иерей: Благословен Бог наш: и, кадящу иерею, глаголем повечерие великое от начала: Слава Тебе, Боже наш, слава Тебе. Царю Небесный: трисвятое, и прочая. С нами Бог: поем с пением. И вместо тропарей обычных: Просвети очи мой: глаголем тропарь праздника. И вместо: Помилуй нас, Господи, помилуй нас: глаголем кондак праздника. По: Слава в Вышних: бываает лития по обычаю.

**И поем на литий стихирь самогласны, глас 4.**

**Космы монаха:** Одевайся светом, яко ризою, / нас ради по нам быти сподобился есть, / во струй одеваётся днесь Иорданския, / не Сам сих ко очищению требуя, / но нам Собою устраяя порождение. / О, чудесе! без огня изваряет, / и назидает без сокрушения, / и спасает в Него просвещаемыя / Христос Бог и Спас душ наших.

Тебе, в Дусе и огни очищающа грех мира, / зря Креститель грядуща к себе, / ужасаяся и трепеща, вопияше, глаголя: / не смею держати верх Твой пречистый, / Ты мя освати, Владыко, / Божественным явлением Твоим, / Еди́не Человеколю́бче.

Приидите, подражаим мудрыя девы, / приидите, срящим явльшагося Владыку, / яко прииде, яко Жених, ко Иоанну. / Иордан, видев Тя, убояся и пожда. / Иоанн вопияше: / не смею держати верха Безсмертнаго. / Дух низхождаше в виде голубине освятити воды, / и глас с Небесе: / Сей есть Сын



Мой, / пришѣдый в мир спасти род человѣческій, /  
Господи, слава Тебѣ.

**Крещается Христос и восходит от воды, / сово-  
водит бо с Собою мир / и зрит разводящаяся  
Небеса, / яже Адам затвори себе и сущим с ним, / и  
Дух свидетельствует Божество, / Подобному бо  
предтичет и глас от Небес: / отгуду бо свидетель-  
ствуемый, Спас душ наших.**

**Трепеташе рука Крестителява, / егда пречисто-  
му Твоему верху коснуса; / возвратися Иордан  
река вспять, / не дерзая служити Тебѣ. / Яже бо  
устыдеса Иисуса Навина, / како Творца своего  
устрашитися не имяше? / Но все исполнил еси  
смотрение, Спасе наш, / да спасеши мир явлением  
Твоим, / Еди́не Человеколюбче.**

### **Слава, глас 8. Иоанна монаха:**

**Господи, исполнили хотя, / яже уставил еси от  
века, / от всея твари служители тайны Твоея  
приял еси: / от Ангел—Гавриила, от человек—  
Деву, / от Небес—звезду и от вод—Иордан, / в  
немже беззаконие мирское потребил еси, // Спасе  
наш, слава Тебѣ.**

### **И ныне, глас тойже. Анатолиево:**

**Днесь тварь просвещается, / днесь всяческая  
веселятся, / Небесная вкупе и земная, / Ангели и  
человецы смешаются, / идеже бо Царѣво пришѣ-  
ствие, и чин приходит. / Тецем убо на Иордан / и  
видим вси Иоанна: / како крещает Верх Неруко-  
творенный и Безгрешный? / Темже, апостольский  
глас припевающе, согласно возопием: / явися  
благодать Божия спасительная всем человеком, /  
озаряючи и подаючи верным велию милость.**

### **На стиховне стихиры самогласны, глас 2.**

**Анатолиево: На Иорданстей реце / видев Тя  
Иоанн, к себе грядуща, глаголаше: / Христѣ Божѣ,  
что к рабу пришѣл еси, / скверны не имый,  
Господи? / Во имя же чие Тя крещу? / Отца? но  
Того носиши в Себѣ. / Сына? но Сам еси  
воплотивыйся. / Духа Святаго? / и Сего веси  
дати верным усты. // Явлейся Божѣ, помилуй нас.**

**Стих:** Море́ ви́де и побеже́, / Иорда́н возврати́ся  
вспя́ть.

Ви́деша Тя во́ды, Бо́же, / ви́деша Тя во́ды и  
убо́йшася: / к Твое́й бо сла́ве противозре́ти Херу-  
ви́ми не мо́гут, / ниже́ взира́ти Серафи́ми, / но, со  
стра́хом предсто́яще, / о́вии у́бо но́сят, / о́вии же  
сла́вят си́лу Твою́. / С ни́миже, Ще́дре, возвеща́ем  
хвалу́ Твою́, глаго́люще: // явле́йся Бо́же, поми́луй  
нас.

**Стих:** Чт́о ти есть море́, я́ко побегло еси́? / И тебе́,  
Иорда́не, я́ко возврати́лся еси́ вспя́ть?

Днесь Небесе́ и земли́ Творе́ц / приходи́т плоти́ю  
на Иорда́н, / Креще́ния прося́ Безгрешный, / да  
очи́стит мир от ле́сти вра́жия, / и крещáется от  
раба́ Влады́ка вся́ческих, / и очище́ние водо́ю рóду  
челове́ческому да́рует. / Тому́ возопи́ем: / явле́йся  
Бо́же наш, сла́ва Тебе́.

**Сла́ва, и ны́не, глас 6. Феофа́ново:**

Е́же от Де́вы Со́лнце, / ви́дя я́же от непло́дове  
свети́льник све́тлый, / во Иорда́не прося́ща Креще́ния,  
/ у́жасом и ра́достью вопи́яше к Нему́: / Ты  
мя освя́ти, Влады́ко, // Божество́нным явле́нием  
Твои́м.

**Та́же, Ны́не отпу́щаеши: Трисвято́е. По О́тче  
наш:**

**Тропа́рь пра́здника, глас 1:**

**В**о Иорда́не крещáющуся Тебе́, Го́споди, / Трóй-  
ческое яви́ся поклонéние: / Родите́лев бо глас  
свидетельствоваше Тебе́, / возлю́бленнаго Тя Сы́-  
на имену́я, / и Дух в ви́де голуби́не / изве́ствоваше  
словесе́ утвержде́ние. / Явле́йся Христе́ Бо́же / и  
мир просвеще́й, сла́ва Тебе́. **Три́жды.**

**И благослове́ние хле́бов, по обы́чаю.**

**Та́же, Буди́ Имя́ Го́сподне: три́жды. И псалóм:  
Благословлю́ Го́спода на вся́кое вре́мя: до: не  
лиша́тся вся́каго бла́га.**

**И чтéние пра́здника.**

**По чтéнии же и по шесто́псалми, на Бог  
Го́сподь: тропа́рь пра́здника, три́жды, и обы́чные  
стихолóгии.**



**По 1-й стихоло́гии седа́лен, глас 3.****Подобен:** Красоте:

**Я**вльшуся Тебѣ во Иорда́не, Спа́се, / и крѣщуся Тебѣ от Предте́чи, Христе́, / возлю́бленный Сын свидѣтельствован был еси́, / те́мже и Собе́значале́н Отцу́ явился еси́, / Ду́х же Святы́й на Тя схожда́ше, / Имже и просвети́вшеся, вопи́ем: / сла́ва Бо́гу, Су́щему в Трои́це.

**Сла́ва, и ны́не, глас 4.****Подобен:** Ско́ро предвари́:

**Стру́й освяти́л еси́ Иорда́нския, / держа́ву сокруши́л еси́ грехо́вную, Христе́ Бо́же наш, / прекло́нил еси́ длáни Себе́ Предте́чеве / и спасл еси́ от лэ́сти челове́ческий род. / Те́мже Тя мо́лим: / спаси́ ду́ши на́ша.**

**И чтéние пра́здника.****По 2-й стихоло́гии седа́лен, глас 5.****Подобен:** Собе́значальное Сло́во:

**Иорда́нскими стру́ями обло́жся, / Иже свѣтом пресла́вно одева́йся, / в ни́хже Ада́мово естество́ обнови́л еси́, / сокру́шшееся злым преслу́шанием, Сло́ве Бо́жий. / Те́мже Тя восхваля́ем и свято́е Твое́ вси славосло́вим явлéние.**

**Сла́ва, и ны́не, глас 4.****Подобен:** Удиви́ся Ио́сиф:

**Иорда́не реко́, / что́ удиви́лся еси́, зря Невидима́го на́га? / Видех и вострепета́х,— рече́,— / и ка́ко бо Сего́ не хоте́х устраши́тися и зайти́? / А́нгели Его́ устраши́шася, зря́ще, / ужасе́ся Не́бо, и земля́ вострепета́, / и смяте́ся мо́ре, и вся ви́димая и невидима́я. / Христо́с яви́ся на Иорда́не освяти́ти во́ды.**

**И чтéние пра́здника.****По полиеле́и седа́лен, глас 4.****Подобен:** Удиви́ся Ио́сиф:

**Прииди́те, уви́дим, ве́рнии, где крести́ся Христо́с, / да послéдуим прочее́ ко Иорда́ну реце́, / ко гла́су вопи́ющаго в пу́стыни, / и уви́дим та́мо Соде́теля Ада́мова, / длáнию ра́бскою рукополага́ема за благоутро́бие неизрече́нное, / и к Нему́**

велегласно возопийм: / пришёл еси и явился еси во Иордане освятити воды.

**Слава, и ныне, тойже, и чтение.**

**Степенна, 1-й антифон 4-го гласа. Прокимен, глас 4: Море виде и побеже, / Иордан возвратися вспять. Стих: Что ти есть, море, яко побегло еси, и тебе, Иордане, яко возвратился еси вспять? Всякое дыханье: Евангелие от Марка, зачало 2.**

**По 50-м псалме, слава, глас 2:**

**Всяческая днесь да возрадуются, / Христу явльшуся во Иордане.**

**И ныне, тойже,**

**Таже, стихира самогласна, глас 6:**

**Бог Слово явися плотию роду человеческому, / стояше креститися во Иордане, / и глаголаше к Немю Предтеча: / како простру руку / и прикоснуся верху Держащаго всяческая? / Аще и от Марии еси Младенец, / но вем Тя, Бога Превечнаго, / по земли ходиши, певаемый от Серафим, / и раб Владыку крещати не научихся. / Непостижиме Господи, слава Тебе.**

**Каноны два: ирмосы обою канонов по дважды, тропари на 12, последи же первый лик первого канона ирмос, второй лик 2-го канона ирмос. Канон первый, творение кир Космы монаха, егоже краегранесие: Крещение очищение земнородных грехов. Глас 2.**

**Песнь 1**

**Ирмос: Глубины открыл есть дно / и сушею Свою влечёт, / в ней покрыв противныя, / крепкий во бранех Господь, // яко прославися.**

**Адама истлевшаго обновляет струями Иорданскими / и змиев главы гнездящихся сокрушает Царь веков, Господь, / яко прославися.**

**Огнем Божества Невещественным / в плоть вещественну одеаяся, Иорданскою облагается водою / воплощйся от Девы Господь, яко прославися.**

**Скверну омываяя человек, сим очистися во Иордане, / имже, восхотев, уподобися, еже бе**



пребыв, / сущия во тьме просвещаяй Господь, яко прославися.

**Ин канон, творение Иоанна Дамаскина, глас 2.**

### Песнь 1

**Ирмос:** Шествует морскую волнящуюся бурю, / сущу абие Израиль являющуюся. / Чермный же понт тристаты египетския / покры купно, водостланен гроб, / силою крепкою десницы Владычни.

Утру явльшуся человеком светоносно / ныне из пустыни, к водам Иорданским преклонил еси, Царю солнца, Твою вью, / лика мрачна родоначальника исхитити, / скверны же всякия очистити тварь.

Безначальне, струям спогрѣбшася Тебе, Слове, / новаго преводиши, истлѣвшаго лѣстию, / Сего несказанно от Отца прием глас державен: / Сей возлюбленный, равен же Мне Отрок естеством.

### Песнь 3

**Ирмос:** Крепость дай царем нашим Господь / и рог помазанных Своих возносая / от Девы раждается, грядет же ко Крещению. / Тому, вернии, возопием: // несть свят, яко Бог наш.

Неплодная древле и безчадная люте, днесь веселися, Христова Церковь: / водою бо и Духом сынове тебе родишася, верою взывающе: / несть свят, якоже Бог наш.

Велиим гласом в пустыни вопиет Предтеча: / Христу уготовайте пути / и стези Богу нашему правы соделайте, верою взывающе: / несть свят, якоже Бог наш.

### Ин

**Ирмос:** Елицы древних изрешихомся седей / брашен львов, сотрѣнных членовными, / радуимся и разширим уста, / слово плетуще от словес сладкопения, // имже к нам наслаждается дарований.

Умерщвление первее насадивый твари, / зверя злодейственнаго вообразься в естество, / омрачается плотским пришествием: / утру явльшуся, приразився Владыце сокрушити свою враждебную главу.

**В**лечёт к себѣ Богозданное естество, утробы мучителя погребенные пределы; / раждается паки земнородных Обновление, / дело державно совершая Владыка: / прииде бо, тое очисти хотя.

### **Инако́й, глас 5:**

**Е**гда явлением Твоим просветил еси всяческая, / тогда сланое неверия море побеже, / и Иордан, доле текый, возвратися, / к Небеси возвышая нас. / Но высоту Божественных заповедей Твоих / соблюди, Христѣ Бже, молитвами Богородицы и помилуй нас.

### **Песнь 4**

**Ирмос:** Услышах, Господи, глас Твой, егже рекл еси, / глас вопиющаго в пустыни, / яко возгремел еси над водами многими, / Твоему свидетельствуяи Сыну, / весь быв сошедшаго Духа, возопи: // Ты еси Христос, Божия мудрость и сила.

**О**чищаемо солнце кто виде, — / проповедник вопиет, — пресветлое естеством? / Да Тебе водами, сияние Славы, Отца образ Присносущнаго, омью / и, сено сый, Огню прикоснуса Твоего Божества? / Ты бо еси Христос, Божия мудрость и сила.

**Я**ви Божественное, еже име, благоговение Моисей, прилучився Тебе, / яко бо из купины Тя, возгласивша, разуме, абие отврати лице. / Аз же како Тя увижу ясно? / Или како руку положу на Тя? / Ты бо еси Христос, Божия мудрость и сила.

**Д**ушевное совершая мудре и словом почтенный, бездушных стыждуса. / Аще бо крещу Тя, клеветна ми есть \* огнем дымящаяся гора, / побегшее же море на двоѣ и Иордан сей, возвративыйся: / Ты бо еси Христос, Божия мудрость и сила.

### **Ин**

**Ирмос:** Огнем очищся тайнаго зреня, / поя пророк челоуеков новодейство, / возглашает глас, Духом плещущ, / воплощение являющ неизреченна Слова, / Имже сильных державы сотрошася.

**П**ослан от Отца, всесветлое Слово, ноци отгнати зломрачное стремление, / и искоренити гряде-

\* клеветна ми есть — обвинит меня



ши человеков грехи, / сыны же привлещи, Твоим Крещением, Блаже, / светлы от струй Иорданских.

Самое провидев нареченное Слово, ясно проповедник вопиет твари: / Сей прежде мене, второй плотию сообразен, / просия Божественною силою враждебный наш отъяти грех.

Пажить у Себе животворну нося, уловляет змиев, / гнездам натекая многими сетью, низлагая, Бог Слово, / запинает же уязвившаго всемирный род, / сего погробль, избавляет тварь.

### Песнь 5

**Ирмос:** Иисус, живота Начальник, / разрешити осуждение грядет Адама первозданнаго, / очищенный же, яко Бог, не требуя, / падшаго очищает во Иордане, / в немже вражду убив, //преимущ всяк ум мир дарует.

Сшедшимся без числа людем от Иоанна креститься, сам посреде их ста. / Провозгласи же предстоящим: / кто показа, непокоривии, гнева вам уклонитися, хотящаго быти? / Плоды достойны Христу сотворите: / Предстояй бо ныне мир дарует.

Делатель и Зиждитель, посреде стой, яко Един всех сердца испытует, / очистительную же лопату рукою прием, / всемирное гумно всеумдре разлучает, неплодие палая, / благоплодным вечный живот дарует.

### Ин

**Ирмос:** Врага темнаго и оскверненнаго яда / очищением Духа измовени, / к новой пристахом неблазненной стези, / вводящей в неприступную радость, Едином приступну, / имже Бог примирися.

Видев Зиждитель во мраце прегрешений пленницами неизбежными / егоже вообрази персты, поставляет на обою раму, воздвиг горе, ныне во многотекущих водах омывая студа древняго / Адамова злаго нрава.

Со благочестием притецем прилежно ко источнику пречистым течения спасительнаго, / Слово усматривающе от Нетленнаго, / почерпала принося-

ще жа́жди Божественныя, / міра сла́достне исце-  
ляя недуг.

### Песнь 6

**Ирмос:** Глас Словесé, светильник Свѣта, / денни-  
ца Сólнца, Предт́еча в пустыни,— / пока́йтесь!—  
всем вопи́ет лю́дем,—и предочи́ститесь: / се бо  
предсто́ит Христос, / от тли мир избавля́яй.

Ро́ждься нетлѣнно от Бóга и Отца́, / от Дѣвы  
кромé сквѣрны воплоща́ется Христос, / Ему́же  
ремѣнь, яже от нас Слóва сочтáния, разрешити  
неудóб, уч́ит Предт́еча, / земнорóдных от лѣсти  
избавля́я.

Огнѣм крестит конѣчным Христос прот́ивныя, / а  
не Бóга мýдрствующих Егó, / Духом же обновля́ет  
водо́ю благодáти разумливыя Божества́ Егó, / от  
прегреш́ений избавля́я.

### Ин

**Ирмос:** Вожде́леннаго я́вствова со всеблаже́н-  
ным гла́сом Оте́ц, / Егóже из чрѣва отры́гну: /  
ей,— гла́голет,— Сей соестѣствен Сын, / Сый свето-  
за́рен, / произни́че из чело́веча рóда: / Сло́во же  
Моё жи́во и Чело́век промышлѣ́нием.

От глуб́иннаго льва, тревечѣрний страна́не про-  
ро́к во внúтренних валя́ясь, / áбие произы́де,  
пакибы́тия\* спасѣ́ние / от зм́я чело́векоуби́йцы  
всем предъявля́я в послѣдняя лѣта.

Отвѣрсту Не́бу все́светлых писáний, учени́к  
зрит от Отца́ посыла́емый, / пребыва́ющ же Дух на  
Пречистѣм Слóве, / нашѣд я́ко голубь неизрече́н-  
ным óбразом, / лю́дем же явля́ется, пришѣдшим ко  
Вла́дыце.

### Конда́к, глас 4:

**Я**вился еси́ днесь вселѣнней, / и свет Твой,  
Гóсподи, зна́менася на нас, / в рáзуме пою́щих  
Тя: / пришѣл еси́ и явился еси́, / Свет Непристу́п-  
ный.

### Їкос:

Галилѣи язы́честей, Завулóнстей страна́е и Неф-  
фали́мстей земл́и, / я́коже рече́ проро́к, Свет ве-

\* пакибы́тиé — возро́ждение



лик возсия, Христос. / Омраченнм светла явися  
 Заря, из Вифлеема облистаящая, / паче же из  
 Марии Господь, всей вселенной возсиявает лучи  
 Солнце правды. / Темже, иже от Адама назии,  
 приидите вси, облечемся в Него, да согреемся, /  
 покрывает бо нагия и просвещает темныя. / При-  
 шел еси и явился еси, Свет Неприступный.

### Песнь 7

**Ирмос:** Юноши благочестивыя, пещи огненной  
 приобщившиися, / шумящ дух росный невредимы  
 сохрани / и Божия Ангела снизхождение. / Темже,  
 в пламени орошаеми, благодарственно воспева-  
 ху: // препетый отец Господи и Боже, благословен  
 еси.

Якоже на Небеси, с трепетом и чудом  
 предстояху / во Иордане силы Ангельския, смотря-  
 юще толка Божия схождения: / яко Держай  
 превьшних вод состав, в водах Плотносец сто-  
 яше, / Бог отец наших.

Облак древле и море Божественнаго прообра-  
 жаху Крещения чудо, / в нихже древнии крестя-  
 шася, исходяще, законнии люди. / Море же бе  
 образ воды, и облак — Духа. / Имиже соверша-  
 еми, — благословен еси, — зовем, — Господи Боже,  
 во веки.

Вси вернии, в Немже совершение прияхом, /  
 богословяще немолчно со Ангелы, прославим  
 Отца, и Сына, и Духа Святаго: / се бо — Троица,  
 Ипостасми Единосущная, Един же Бог. / Емуже  
 поем: благословен еси, Господи Боже, во веки.

### Ин

**Ирмос:** Опали струею змиевы главы пещный  
 высокий пламень, / юношиносящ благочестивыя, /  
 утишивый неудободержимую мглу из греха / всю  
 же омывает росю Духа.

Тебе живописующий ассирийский пламень ужасен  
 поставляеши, в росу преведен; / темже вода  
 ныне, якоже пламень, одевая, вредную злобу,  
 Христе, прикровенную опалает, / от поползновен-  
 ных стези призываючи.

**Раздѣльшуся** Иордану дрѣвле, по сѹху преходят людие Израильтестии, / Тебѣ, Державнейшаго, содержаща тварь некоснительне, / ныне в водах написующии, к нетленней и полезней стези.

**Вѣмы**, первее всепагубный потоп / милостивно Тя всех во тлю привести, / о, тревеликая сотворяя и странная! / Ныне же потопльша, Христѣ, грех за благосердие и человеческое спасение.

### Песнь 8

**Ирмос:** Тайну преславную вавилонская показала пещь, / источившая росу, / яко струями имяше невестественный Огнь восприяти Иордан / и объяти плотию крещаемая Зиждителя, // Егоже благословят людие и превозносят во вся веки.

**Отложѣ** страх весь, — Избавитель Предтечи рече, — / Мне же повинися, яко Благому, / Мне приступи, сие бо естеством бых, / Моим повелением покорися и крести Мя, сошедшаго, / Егоже благословят людие и превозносят во вся веки.

**Глаголы** якоже услыша Креститель Владычни, с трепетом длань простирает, / обаче же, рукою коснувся верху Зиждителя своего, Крещшемуся вопияше: / освяти мя, Ты бо еси Бог мой, / Егоже благословят людие и превозносят во вся веки.

**Троицы** явление во Иордане бысть, / самое бо Пребожественное Естество, Отец, возгласи: / Сей крещаемый — Сын возлюбленный Мой, / Дух же прииде к Подобному, / Егоже благословят людие и превозносят во вся веки.

### Ин

**Ирмос:** Свободна убо тварь познавается / и сынове Света прежде омраченнии; / един стенет тьмы предстатель. / Ныне да благословит усердно Виновнаго // прежде окаянное языков всенаследие.

**Триѣ** Боговиднии, во огни орошаеми, озаряющеся тремѣ всесветле святынями, / яве показоваху Превышнее Естество смешением человеческим, / огнепалящее росю милостивно всяку пагубную леть.

**Да** убелится всякое земное естество, / от падения ныне на Небо возводимо, / Имже бо вся соблюда-



ются, Сло́вом, теку́щими стру́ями омыв́шеся, / прегреш́ений прѣжних убеж́е, пресвѣтло измовѣно.

**На 9-й пѣсни паки вжигаютъ свещи брѣтия. Честнѣйшую: не поѣм, но поѣм припѣвы праздника:**

**Величай, душѣ моя, / Честнѣйшую гóрних воинств, / Дѣву Пречы́стую Богорóдицу.**

**И ирмос:** *Недоумѣетъ всякъ языкъ благохвалити по досто́янию, / изумеваетъ же умъ и премирный пѣти Тя, Богорóдице, / обаче, Благая сущи, веру примй, / ибо любовьъ веси Божественную нашу: // Ты бо христиан еси Предстательница, Тя величаемъ.*

**Посѣмъ вторый ликъ поетъ тойже припѣв и ирмос. И прочихъ шесть припѣвовъ припеваютъ на кийждо тропарь по единойды:**

**Величай, душѣ моя, / от Предтечи Крещения Просѣца.**

**Величай, душѣ моя, / во Иордане Пришедшаго креститися.**

**Давиде, прииди́ Духомъ к просвещеннымъ, — / ныне приступите, — пой к Богу, — / верою, — глаголя, — просветитесь! / Сей нищийъ воззва́ Адамъ в падении, ибо Того́ услыша Господь, / пришедъ, струями Иорданскими тленнаго же обновй.**

**Величай, душѣ моя, / от Отческаго гласа Свидѣтельствованна.**

**Величай, душѣ моя, / Единого от Троицы, преклоньшаго вѣю и Крещение приемша.**

**Исаия, — измыйтеся, очыститеся! — глаголет, — / лукавствия предъ Господемъ оставите. / Жаждущии, на воду живу идите: / кропитъ бо водою, обновляя, Христосъ приступающия к Нему́ верою / и к животу́ нестарѣемому крещаетъ Духомъ.**

**Пророче, прииди́ ко Мне, / простри́ руку и крести́ Мя скоро.**

**Пророче, остави ныне и крести́ Мя, хотяща: / исполнити бо приидохъ всяку правду.**

**Соблюдаемъся благодатию, вернии, и печатию. / Яко бо губителя, бежаша прага\* евреи, древле окровавлена, / тако и намъ исходное Божественное**

\* прага — порога

сие пакибытія б́аня б́удет./ Отсю́ду и Трѳицы  
у́зрим Свет Незаходѳмый.

**Посѳм пѳрвый лик поѳт втора́го канѳна припѳв:**

**Днесь Влады́ка/ преклоняѳт вѳю под ру́ку  
Предте́чеву.**

**И ирмо́с: О, па́че ума́ Рождества́ Твоего́ чудѳс!/  
Невѳсто Всечѳстая, Ма́ти Благословѳнная, / Ею́же  
получѳвше всесовершенство́ спасѳние, / досто́йно  
хва́лим, я́ко Благоде́теля, // дар но́сяще—песнь  
благодарѳния.**

**И вторѳй лик та́кожде поѳт припѳв и ирмо́с. И  
про́чия пять припѳвы, еди́н два́жды:**

**Днесь Ио́анн крещает Влады́ку, / во струя́х  
Иорда́нских.**

**Днесь Влады́ка/ вода́ми погребает челове́че-  
ский грех.**

**Уведе́хом Моисѳю купино́ю явлѳнная, грядѳ,  
стра́нными уста́вы соде́ланная: / я́ко бо спасѳся,  
Огнь но́сящи, Де́ва, Светоно́сна ро́ждши Благоде́-  
теля, / во Иорда́нских же струя́х явлѳнна.**

**Днесь Влады́ка свѳше свидѳтельствуѳтся, / Сын  
возлю́бленный.**

**Днесь Влады́ка/ приѳде освятѳти естество́  
водно́е.**

**Днесь Влады́ка/ Крещѳние приѳмлет руко́ю  
Предте́чевою.**

**Помазуѳши, соверша́я челове́ческое существо́,  
Царю́ Безнача́льне, / Ду́ха общѳнием, струя́ми  
чѳстыми отмы́в / и тьмы крѳпость же посра́мль  
возвѳщенную, / ны́не в безпрѳста́ннем возда́ти  
житѳй.**

**Та́же оба́ ли́ка, соше́дшеся вку́пе, пою́т пѳрвый  
припѳв пра́здника. И ирмо́с: Недоумеѳт всяк язы́к:  
Посѳм втора́го канѳна припѳв. И ирмо́с: О, па́че  
ума́: И поклѳн.**

### Светѳлен.

**Подѳбен: Посетѳл ны:**

**Явѳся Спас, благода́ть и ѳстина, во струя́х  
Иорда́нских / и сущѳя во тьме и сѳни спя́щия  
просветѳл ест, / ѳбо приѳде и явѳся Свет Непри-  
сту́пный.**

**Три́жды.**



**На хвалітех стихіры на 4, глас 1.**

**Германа патріарха:** Свет от Свѣта, / возсія мірови Христос, Спас наш, / явлѣйся Бог. / Сему, людіе, поклонімся.

**Како** Тя, Христѣ, / рабі, Владыку достойно почтім? / Яко в водах всех нас обновил еси.

**Ты**, во Иорданѣ крещся, Спасе наш, / воды освятил еси, / дланию раба рукополагаемый / и страсти міра исцеляй. / Велие таинство явления Твоего, // Человеколюбче Господи, слава Тебе.

**Истинный** Свет явися / и всем просвещение дарует, / крещается Христос с нами, / Иже всякия вѣвши чистоты, / влагает священіе водѣ, / и душам сіе очищение бываѣет, / земное являемое и вѣше Небес разумеваемое. / Банею — спасение, водою же — Дух, / погружения ради, иже к Богу, наш восход бываѣет. / Чудесна дела Твоя, Господи, слава Тебе.

**Слава, глас 6. Анатолия:**

**Водами** Иорданскими одеялся еси, Спасе, / одеяйся Светом, яко ризою, / и приклонил еси главу Предтечи, Иже небо измеримый пядию. / Да обратиши мир от лести и спасеши, // яко Человеколюбец.

**И ныне, глас 2, тогоже:**

**Днесь** Христос на Иордан прииде креститися, / днесь Иоанн касаетя верху Владычню. / Силы Небесныя ужасошася, / преславное видяще таинство. / Море виде и побеже, / Иордан, виде, возвратися. / Мы же, просвещешася, вопиѣм: / слава явившемуся Богу, / и на земли виденному, // и просветившему мир.

**Славословіе великое.** По трисвятѣм тропарь праздника, ектений и отпуст. И даѣтся святый елей от кандила поющим нам стихіру праздника. Таже час 1-й. На 1-м часѣ тропарь праздника; по трисвятѣм кондак праздника, и прочее, и совершенный отпуст. В сий день литургия бывает порану труда ради бденнаго.

**НА ЛИТУРГИИ**

**Антифѣн 1, псалом 113, глас 1.**

**Стих 1:** Во исходе Израилеве от Египта, / дому Иаковля из людеѣ варвар.

**Молитвами Богородицы, / Спасе, спаси нас.**

**И другой лик.**

**Стих 2:** Бысть Иудея святыня Его, / Израиль область Его.

**Молитвами Богородицы, / Спасе, спаси нас.**

**Стих 3:** Море виде и побеже, / Иордан возвратися вспять.

**Молитвами Богородицы, / Спасе, спаси нас.**

**Стих 4:** Что ти есть, море, яко побегло еси? / И тебе, Иордане, яко возвратился еси вспять?

**Молитвами Богородицы:**

**Слава, / и ныне: Молитвами Богородицы:**

**Антифён 2, псалом 114, глас 2.**

**Стих 1:** Возлюбих, яко услышит Господь / глас моления моего.

**Спаси ны, Сыне Божий, / во Иордане крестивыйся, поюция Ти: / аллилуия.**

**Стих 2:** Яко приклони ухо Своё мне, / и во дни мой призову.

**Спаси ны, Сыне Божий:**

**Стих 3:** Объяша мя болезни смертныя, беды адовы обретоша мя, / скорбь и болезнь обретох и Имя Господне призвах.

**Спаси ны, Сыне Божий:**

**Стих 4:** Милостив Господь и праведен, / и Бог наш милует.

**Спаси ны, Сыне Божий:**

**Слава, и ныне: Единородный Сыне:**

**Антифён 3, псалом 117, глас 1.**

**Стих 1:** Исповедайтесь Господеви, яко Благ, / яко в век милость Его.

**Тропарь:**

**В**о Иордане крещающуся Тебе, Господи, / Троиственное явися поклонение: / Родителей бо глас свидетельствоваше Тебе, / возлюбленного Тя Сына именуя, / и Дух в виде голубине / извествоваше словесе утверждение. / Явлейся Христе Боже / и мир просвещей, слава Тебе.

**Стих 2:** Да речет убо дом Израилев: / яко Благ, / яко в век милость Его.



**Во Иорданѣ крещáющуся Тебѣ, Гóсподи:**

**Стих 3:** Да речёт úбо дом Аарóнь: / я́ко Благ, я́ко в век мѣлость Егó.

**Во Иорданѣ крещáющуся Тебѣ, Гóсподи:**

**Стих 4:** Да рекúт úбо вси, боящиися Гóспода: / я́ко Благ, я́ко в век мѣлость Егó.

**Во Иорданѣ крещáющуся Тебѣ, Гóсподи:**

**Вхóдное:** Благословѣн грядýй во Имя Госпóдне, / благословѣхом вы из дóму Госпóдня, / Бог Госпóдь и явѣся нам.

**Тропáрь:** Во Иорданѣ крещáющуся Тебѣ, Гóсподи:

**Слáва, и нýне.**

**Кондáк, глас 4:**

**Я**вѣлся есѣ днесь вселѣнной, / и свет Твой, Гóсподи, знáменая на нас, / в рáзуме поющих Тя: / пришёл есѣ и явѣлся есѣ, / Свет Непристúпный.

**Вмѣсто же трисвятáго, поём:** Елицы во Христа крестѣтесе, / во Христа облекóтесе. Аллилу́ия (трижды).

**Прокѣмен, глас 4:** Благословѣн грядýй во Имя Госпóдне, / Бог Госпóдь и явѣся нам. **Стих:** Исповѣдайтеся Гóсподеви, я́ко Благ, / я́ко в век мѣлость Егó. **Апóстол к Тѣту, зачáло 302.** Аллилу́ия, **глас 4:** Принесѣте Гóсподеви сынове Бóжии: **Стих:** Глас Госпóдень на водах: **Евáнгелие от Матфѣя, зачáло 6.** **Причáстен:** Явѣся благодáть Бóжия спасѣтельная всем челóвѣком.

**На трапѣзе бывáет утешѣние брáтии вѣлие. И ядѣм рýбу, и сыр, и я́ица, и пиѣм винó; мирстѣи же мýсо, áще бúдет и в срѣду или́ пятóк. И чтѣтся слóво Златоúстаго, емúже начáло:** Все вы, во благодúшии:

**Святое Богоявление. Крещѣние Господа Бога и Спаса нашего Иисуса Христа**— великий двенадцатый праздник в воспоминание Крещѣния Спасителя. Господь Иисус Христос, достигнув, по человеческому естеству, тридцати лет, всенародно вступил в Свое открытое служение для искушѣния рода человеческого (по ветхозаветному закону ранее тридцати лет принимать сан учителя или священника не дозволялось).

Спаситель пришел на реку Иордан, при которой святой пророк Иоанн Предтеча приготавливал народ иудейский к принятию обетованного Искушителя,— и принял от Иоанна крещѣние в водах Иордана (Мф. 3, 13—17; Мк. 1, 9—11; Лк. 3, 21—22).

Богоявлением этот праздник называется потому, что при крещѣнии Спасителя было особое явление всех Трех Лиц Божества: Бог Отец из отверстых Небес свидетельствовал о

крещаемом Сыне, Сын Божий крестился от Иоанна Предтечи, Дух Святой в виде голубя сошел на Сына, подтверждая таким образом Слово Отца (Мф. 3, 17), то есть засвидетельствовал об Иисусе Христе, что Он не пророк, подобный древним пророкам, и не ангел, но Единородный Сын Божий, сущий в лоне Отчем.

Сам Господь, как источник всякой чистоты и святости, безгрешный и непорочный, рожденный от Пречистой и Пресвятой Девы Марии, не имел нужды креститься, но так как Он взял на Себя грехи всего мира, то и пришел к реке, чтобы очистить их посредством крещения.

Погружением в водную стихию Господь освятил естество воды и для нас устроил купель святого крещения, — изъясняет преподобный Иоанн Дамаскин. По церковному преданию, святой Иоанн Предтеча каждого крестившегося у него человека погружал в воду до шеи и держал его так, пока тот не исповедовал все грехи свои. Христос же, не имевший грехов, не был задержан в воде, поэтому в Евангелии сказано, что Он вышел из воды тотчас (Мф. 3, 16).

По изъяснению святителя Кирилла, архиепископа Иерусалимского, «как при Ное голубица возвестила

прекращение потопа, принеся масличную ветвь, так и теперь Дух Святой возвещает разрешение грехов в виде голубя: там ветвь масличная, здесь милость Бога нашего».

С древних времен в церковном уставе и у отцов Церкви праздник Богоявления называется также днем **Просвещения** и праздником Светов, ибо Бог есть Свет и Воскресение и явился просветить «сидящих во тьме и тени смертной» (Мф. 4, 16), спасти падший род человеческого открывшейся во Христе Божественной благодатью (2 Тим. 1, 9—10). Поэтому в древней Церкви в навечерие Богоявления, как и в самый день праздника, был обычай крестить (духовно просвещать) оглашенных. В это время совершается в храмах и на водоемах великое освящение воды. Богоявленская или крещенская вода (агиасма) считается великой святостью, исцеляющей душу и тело. Ее принято сохранять в течение года, кропя вещи, принимая в случае болезни, давая пить тем, кто не может быть допущен ко Святому Причащению.

На Руси издревле было принято в праздник Богоявления совершать торжественные крестные ходы на реки и водные источники.

